



Broj: 07/2-14-716/19
Vogošća, 16.08.2019. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), Rješenja Ureda za razmatranje žalbi BiH-Filijala Mostar broj: JN2-03-07-1-1632-8/19 od 25.07.2019. godine i čl. 71. i 125. Statuta Općine Vogošća ("Službene novine Kantona Sarajevo", broj 27/14-Prečišćeni tekst 14/15), Općinski načelnik dana 16.08.2019. godine donio je

ODLUKU O PONIŠTENJU POSTUPKA JAVNE NABAVKE USLUGE ISPISA, KOPIRANJA I SKENIRANJA SA CENTRALIZOVANIM MAŠINAMA KOJE ĆE BITI INSTALIRANE U ZGRADI OPĆINE VOGOŠĆA

Član 1.

Poništava se Otvoreni postupak nabavke usluge ispisa, kopiranja i skeniranja sa centralizovanim mašinama koje će biti instalirane u zgradi Općine Vogošća broj: 07/2-14-716/19, jer nijedna od pristiglih ponuda nije prihvatljiva.

Član 2.

Ovom Odlukom stavlja se van snage Odluka o izboru najpovoljnijeg ponuđača za pružanje usluge ispisa, kopiranja i skeniranja sa centralizovanim mašinama koje će biti instalirane u zgradi Općine Vogošća broj: 07/2-14-716/19 od 28.06.2019. godine.

Član 3.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 08.04.2019. godine donio Odluku o pokretanju Otvorenog postupka nabavke usluge ispisa, kopiranja i skeniranja sa centralizovanim mašinama koje će biti instalirane u zgradi Općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 11.04.2019. godine pod brojem: 1353-1-2-86-3-59/19.

Dana 06.05.2019. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07/2-14-716/19, kojom je kao prvoplasirana na Rang listi nakon održane E-aukcije, a sa ponuđenom najnižom cijenom tehnički zadovoljavajuće ponude odabrana ponudu ponuđača "Konica Minolta poslovna rješenja BH" d.o.o. Sarajevo. Na predmetnu Odluku izjavljena je žalba od strane ponuđača "Emado" d.o.o. Sarajevo dana 09.05.2019. godine.

Ured za razmatranje žalbi BiH-Filijala Mostar, rješavajući po žalbi Žalitelja "Emado" d.o.o. Sarajevo je dana 13.06.2019. godine donio Rješenje broj: JN2-03-07-1-1158-8/19, kojim se usvaja žalba Žalitelja "Emado" d.o.o. Sarajevo i poništava Odluka o izboru najpovoljnijeg ponuđača broj: 07/2-14-716/19 od 06.05.2019. godine, te predmet vraća na ponovno odlučivanje ugovornom organu uz napomenu da isti bude okončan u skladu sa stavovima URŽ BiH-Filijala Mostar

iznesenim u predmetnom Rješenju i u skladu sa zakonskim i podzakonskim propisima iz oblasti javnih nabavki.

U obrazloženju osnovanosti žalbe URŽ BiH-Filijala Mostar u svom Rješenju (strana 4. Rješenja) navodi sljedeće:

"Uvidom u Ponudu odabranog ponuđača, na strani 20. u tabeli tehničke specifikacije uređaja s konfiguracijom uređaja koji će biti instalirani u prostorijama Općine Vogošća, ovaj organ je utvrdio da je odabrani ponuđač za stavke 5., 8. i 9. naveo model uređaja Bizhub 3602 P, proizvođača Konica Minolta, te na strani 36.-38. Dostavio Datasheet za ponuđeni uređaj Bizhub 3602 P.

Uvidom u dostavljeni datasheet ovaj organ je utvrdio da je ponuđeni model Konica Minolta bizhub 3602 P za tip 3 laserski printer, a ne multifunkcionalni uređaj.

S obzirom na postavljene zahtjeve ugovornog organa u tehničkoj specifikaciji da ponuđena oprema mora predstavljati potpune multifunkcionalne sisteme, koji objedinjuju funkcije A3/A4 kopira, mrežnog printera, mrežnog skenera, te sam zahtjev istaknut u samom nazivu Multifunkcionalni tip uređaja tip 3., te činjenicu da je odabrani ponuđač za sporni tip 3 ponudio laserski printer, ovaj organ smatra navod žalitelja opravdanim".

Shodno gore iznesenom, a uvažavajući navode iz Rješenja Ureda za razmatranje žalbi BiH-Filijala Mostar broj: JN2-03-07-1-1158-8/19 od 13.06.2019. godine, ponuda ponuđača "Konica Minolta poslovna rješenja BH" d.o.o. Sarajevo nije formalno-pravno ispravna i kao takva nije prihvatljiva za ugovorni organ.

Postupkom pregleda i ocjene ponude, Komisija za javne nabavke je utvrdila da ponuda ponuđača "Emado" d.o.o. Sarajevo ispunjava formalno-pravne uslove, odnosno zahtjeve ugovornog organa tražene Tenderskom dokumentacijom.

Dana 28.06.2019. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07/2-14-716/19, kojom je kao jedina formalno-pravno prihvatljiva ponuda odabrana ponudu ponuđača "Emado" d.o.o. Sarajevo, sa ukupnom cijenom nabavke u iznosu od 42.750,00 KM bez uračunatog PDV-a, odnosno 50.017,50 KM sa uračunatim PDV-om.

Na predmetnu Odluku izjavljena je žalba od strane ponuđača "Konica Minolta poslovna rješenja BH" d.o.o. Sarajevo dana 01.07.2019. godine.

Ured za razmatranje žalbi BiH-Filijala Mostar, rješavajući po žalbi Žalitelja "Konica Minolta poslovna rješenja BH" d.o.o. Sarajevo je dana 25.07.2019. godine donio Rješenje broj: JN2-03-07-1-1632-8/19, kojim se usvaja žalba Žalitelja "Konica Minolta poslovna rješenja BH" d.o.o. Sarajevo i poništava Odluka o izboru najpovoljnijeg ponuđača broj: 07/2-14-716/19 od 28.06.2019. godine, te predmet vraća ugovornom organu na ponovni postupak u kojem će postupiti u skladu sa stavovima URŽ BiH-Filijala Mostar, pridržavajući se zahtjeva iz tehničke specifikacije tenderske dokumentacije.

U obrazloženju osnovanosti žalbe URŽ BiH-Filijala Mostar u svom Rješenju (strana 7. i 8. Rješenja) navodi sljedeće:

"Dalje je utvrđeno da ponuđeni uređaj ima vrijeme zagrijavanja prosječno 18 sekundi ili manje. S obzirom da je zahtjev iz tehničke specifikacije precizan i da je traženo da uređaj ima 15 sekundi vrijeme zagrijavanja, ne može se prihvatiti obrazloženje odabranog ponuđača da razlika od 3 sekunde nije značajna za funkcioniranje sistema, jer ugovorni organ nije ostavio mogućnost odstupanja u tehničkoj specifikaciji u pogledu vremena zagrijavanja, te ovaj organ konstatuje da ponuđeni uređaj Kyocera TASKalfa 3252ci za multifunkcionalni uređaj tip 2, ne ispunjava sve zahtijevane uslove, te se navod žalitelja smatra osnovanim".

Iz navedenih razloga, a postupajući po uputama datim u Rješenju Ureda za razmatranje žalbi BiH-Filijala Mostar broj: JN2-03-07-1-1158-8/19 od 13.06.2019. godine i Rješenju broj: JN2-03-07-1-1632-8/19 od 25.07.2019. godine, Komisija za javne nabavke je jednoglasno dala preporuku Općinskom načelniku da donese Odluku o poništenju postupka nabavke usluge ispisa, kopiranja i skeniranja sa centralizovanim mašinama koje će biti instalirane u zgradi Općine Vogošća, iz razloga jer nijedna od primljenih ponuda nije prihvatljiva, a u skladu sa članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka javne nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Dostavljeno:

1. "Konica Minolta poslovna rješenja BH" d.o.o. Sarajevo
2. "Emado" d.o.o. Sarajevo
3. Nadležnoj Službi
4. U dosije
5. a/a

033/721-303

033/836-087



OPĆINSKI NAČELNIK

Edin Smajić

Edin Smajić